

士林餘業醫學全書
六



書士林餘業後

始余講業里中同門葉以潛氏來自
盱江斷：如也予目以為文學嗣知其善
治人病概應手瘥則目以為良醫久
之視余一編曰士林餘業乃知以潛儒而
醫：而儒也余嘗語諸講社舉猶龍氏
云聖人不病以其病是以不病因言人

治身病易治心病難克伐怨欲等皆
心病也心病不除身病乃生何則六淫六
邪之氣游衍亭毒中人之有入不入
者身之有間與無間也身之有間無
間者氣之得養與失養也唯善治心者
知善養氣亦知治人佛之稱大醫王
也者治病之盡而知人之病之盡是也

大稱爲且常醫之情常秘其術唯恐人
之知之也大醫之情常公其術唯恐人
不知之也一公私之間而小大之判霄壤
縣隔是故唯有真儒而後有良醫唯
善治心者而後能善治身也且夫治身
之病亦不易矣運氣之流衍經脈之錯
綜藥性異宜受證異機若內外傷乃



送正治者婦人嬰兒其病其書且汗
牛充棟有源有流有凡有總而常醫
者不唯其源唯其流簡不通方繁不達
本於以治病無益而反為害此仁人之所
憫也以潛氏送學於

明德羅夫子之門既講於同仁之學而
餘業所擅又恐人不良於醫舉千百家



而撮其要徑之以岐黃紀之以張劉
朱四子而雜采諸家之精義以成其書
僅成六卷繁而不炫簡而不漏雖疎於醫
學如愚者可使進於知醫而首揭三條尤
示人治心之本若蓋因學以明醫雖謂之
藉醫以明學亦可也昔秦伯使醫和治
晉平公疾文子以醫國稱之唯和所醫非湯



非藥非膳理成法具在使以隨常秦晉二
交則上醫國君尸之夫唯知學者當以余
言為不誣

萬曆己亥秋上元同門老生李登書



士林餘業醫學全書

目錄

卷一

集例

自箴篇

箴時希

陰陽篇

保養篇

纂遺氣

明形氣

別臟腑

附經絡

約脉訣

叅本草

卷二

理傷寒

診要三十條

表裏陰陽寒熱虛實汗吐下閉要



類傷寒辨疑凡十條

傷寒初症雜症辨疑凡七十一條

瘟疫病治

省症捷法

六經用藥方法

內傷夾外感症治

內傷似外感症治

卷三

總方閼要凡十四條

用藥法則凡十四條

用方要訣

要方歌括

察病機

五運主病

六氣為病

內傷別外感論

內傷不辨誤人論

傷寒別傷暑

面部色候要訣

病診秘旨

臟府病機捷要

五臟捷候

十二經溫涼補瀉法

問症之法

消息訣竅

標本治法

十二經水火分治

氣血痰治法

內外分治法

陰陽分治法

陰陽之辨

寒熱論

脾胃虛實傳變摘要

求本之要

百病閃健

雜治賦

古庵賦

醫先門戶

居方辨症

卷四

六淫治法

中風

中寒

中暑

中溫

燥病

火病

風類症治

眩暈 頭痛 頭風 面風 眉稜 眼病 耳病

鼻病 口舌唇症 齒病 咽喉 音啞 痛風

痺風 斑疹 赤白遊風

寒類症治

咳嗽 霍亂 胃脘痛 厥心痛 腹痛

暑類症治

瘧痢

溫類症治



痞滿 泄瀉 嘔吐 吞酸 黃疸 水腫 鼓脹
赤濁 腰痛 疝氣 脚氣

燥類症治

消渴 燥結

火類症治

脇痛 夢遺 淋 癰 不禁 脫肛

卷五

內因症治

脾胃 諸氣 諸血 諸痰 諸鬱 積熱 虛損



沉寒痼冷 內傷發熱 內傷惡寒 癆瘵

積聚 瘴氣 喘哮 惡心 噤氣 飢逆 瞶瘡

閑格 癰 顛狂 邪祟 驚悸 怔忡 健忘

自汗 盜汗 痿 厥

卷六

婦科秘旨

調經 潮熱 血腫 水腫 種子 崩漏 帶下

癥瘕 胎前 臨產 產後

痰火秘旨 凡十二條 十八症 目錄半



士林餘業醫學全書卷之六

●婦科秘訣要領

余竊聞婦女病較男子尤難治療語云寧醫十男子莫醫一婦人何也婦女性情中和者少偏拘者多稍介不如願欲強者忿怒於色弱者憂思於心鬱結日久血因凝滯變生諸症今之治者往往不究病源漫投四物之劑而曰婦以血為主不知婦女病根於心成於氣氣行則血行氣滯則血滯不先調氣而徒益血血愈停積以致發熱疼痛漸以疴羸嗚呼此豈病之果難藥哉亦治者不探其本故耳余因掄其要悉其目以示後學知所

適道云

古庵云婦人內傷外感一切疾病同男子治法惟月經孕產崩
漏帶下不同治蓋婦人多有氣逆之病氣逆則血逆氣血結逆
於臟府之間所以多腹脇諸痛內外煩熱疼痛者血滯也煩熱
者氣滯也血滯以辛溫之劑治之氣滯以辛涼之劑治之氣血
俱滯而疼痛煩熱齊作者又當以辛平之劑治之大抵婦人血
用事氣行則無病而月候如期或疼痛或發熱者氣血鬱結也
氣血鬱結者又以開鬱行氣為主鬱開氣行諸病自解矣

● 婦人治本論

治本

婦女病與男無異經絡氣血只分於胞絡癥瘕胎產全屬於衝
任蓋衝為血海任主胞胎二脉並起於胞內為經絡之海與手
太陽小腸手少陰心為表裏上上為乳汁下為月水月水乃經
絡之餘衝任氣盛則血依時而下憂思傷耗心血以致火炎血
不歸肝而出納之用已竭世令子虛脾亦不磨而食少食少則
肺金失養水絕生化之源而經閉不調治者須知心為榮衛之
主心氣鬱結者宜調心血通心經而血自行脾胃為氣血之運
飲食勞倦損其中氣則血少不行或行之而間斷又宜補養脾
胃而氣血自生自運此治本之論法之良者也

節齋云婦人經閉不行多有脾胃損傷而致者不可便認作經
閉死血輕用通經破血之藥須要先審其飲食勞倦損傷脾胃
食少惡食泄瀉疼痛或因誤下攻剋傷其中心氣以致血少不行
者只宜補養脾胃用白朮為君參為臣佐以陳皮甘草麥芽
芎歸柴胡等藥脾旺則能生血而經自行矣又有飲食積滯致
損脾胃者亦宜消積補脾若脾胃無病果有血塊凝結方宜行
血通經此論甚正今人不究齋餘不足槩行利藥損人莫大戒
之戒之

稿謂婦經有不調者又有不通者又有其中兼疼痛者有兼痰

熱